



QVÆSTIO MEDICA

QUODLIBETARIIS DISPUTATIONIBUS
manè discutienda in Scholis Medicorum
die Jovis 9. Januarij

M. CAROLO MARTEAU, Doctore
Medico, Præsides.

Santue carnosî minus ingeniosî ?

I.

HOMO constat ex corpore & animâ, utriusque præstantiâ cæteris antecellit animalibus. Corpus (quod velut optimam & pulcherrimam vitæ supellestem anima sibi fabricata est) commendant structura elegans cum decenti colore, firmum robur, & sanitas inculpata: ex quibus forma corporis venusta exurgit, sæpissimè stoliditatis assecla. Ut mirum non sit fœminam, quæ venustatem sibi propriam asserit, viro longè esse ingenio inferiorem. Qui tamen eam monstrum credit, injurius fit in naturam: quæ hominum perennitati prospicit, dum fœminam præstantissimum & consultissimum opus edit, sine cujus consortio non nasceretur homo. Animæ cum corpore colligatio miraculi plena, quod fiat nullâ interiectâ substantiæ affinitate. Hoc enim totum materiale procreatur è primordiis generationis, menstruo solâ copiâ peccante, nec fluente ab uterino fermento, & semine in utroque parente prolifico, non è capite singulivæ corporis partibus deciduo, sed è sanguine cum triplici spirituum genere permixto à testibus vi insitâ confecto. Illa tota immaterialis & incorporea extrinsecus accedit, & à solo Deo creando infunditur, ipso conceptionis tempore: nec ullatenus pendet à corpore, secundum substantiam spectata: sine cujus commercio longè etiam præstantiûs sua obiret munia. Sed huic alligata tota iners jacet, nisi & hoc illi opis aliquid asserat. Quare sibi mutuûm ancillantur corpus & anima ad functiones vitæ edendas. Sua enim animæ corpus elargitur organa expedita & comparata ad obsequium: dividit anima ceu jure imperij facultates, & spiritus ad vitæ munia designat. Quin etiam vis animæ in quolibet non aliundè dispar apparet, quam ex sensuum præstantiâ, diversâ cerebri conformatione, totius corporis structurâ, inæquali temperie, ac etiam ex corporis habitu, qui variat pro cujusvis humoris dominatu.

ANIMA motu & cognitione definitur: si verum amamus, hujus facultatum & functionum doctrina, nec non de iis à veteribus instituta dissertatio quævis, res est tota tenebris plena. Quis enim huicque satis illustravit, quâ ratione cudantur spiritus, corpora subtilissima & tenuissima in cerebro frigidiori quâ naturæ industriâ ad minimas & remotissimas corporis partes momento deferantur? quorum vi & impetu ingens musculorum moles, in varias inò & oppositas partes distrahatur: unâque imperante animâ, innumeræ vel etiam diffusæ particule, interjectis partibus immotis, motus innumeros edant: dum & ipsi spiritus simul & sensibus & menti inserviunt, ad distincta munia obeunda? nec certè tenebras dispellunt recentiores, valvulis, fibrillis, hiatibus, aliisque rebus quas in nervis, motusque & sensuum organis excogitarunt. Nec majorem lucem afferunt ex suâ fermentatione plus æquo jam decantatâ: quasi singulis partibus suum insit fermentum, à quo omnis pendeat actio: quam sanè satius est uni calori & spiritui præcipuis animæ instrumentis acceptam referre. Ne ergo cum ipsis naturam ad nostros conceptus contorquere videamur, hoc unum asseverandum, eam licet indoctam & ineruditam, quæ facta sint opus, præstare: quorum modum nec mens humana semper attingit. Etrant qui non sensum, sed solam mentem rerum judicem volunt: cum etiam actio intelligentiæ, ab his quæ sub sensum cadunt, proficiscatur: ut proptereâ sensuum autoritas rationi sæpè sit anteponenda. Sensus totus corpori immersus vel est internus, vel externus: hujus quinque species numerantur: nec enim à tactu voluptatem veneream quis rectè distinguet: ille functione quidem multiplex, sed reipsâ simplex. Homo omni sensu omnia vincit animalia. Uni animæ mens insidet, quâ solus homo est præditus: quæque res etiam incorporeas & ab omni materiâ abstractas contemplatur. Nunquam hæc ægrotat: (quidquid senserit Hippocrates vir aliqui maximus) non semper tamen sui similis videtur, dum sensibus affixa hæret: unde & homo magis minusve ingeniosus estimatur & ubi phantasia menti species præbet purgatissimas; quod rarum est in carnosis) hujus munia præclariùs peraguntur.

III.

MENTIS plures sunt virtutes, sed duo prima genera: unum earum quæ in voluntate positæ, magis proprio nomine appellari solent, virtutes: quarum est excellens in animorum laude præstantia: quales sunt prudentia, temperantia, fortitudo, justitia, & reliquæ ejusdem generis. Alterum earum quæ solent scâpte naturâ ingenerari, & ideo appellantur non voluntariæ: hujus generis sunt docilitas, acumen, soletia, memoria, & etiam prudentia: quæ ferè omnia appellantur uno ingenij nomine: easque virtutes qui habent, ingeniosi vocantur. Sed earum connexio rara: vix enim aliquem reperias, quem his omnibus bect natura. Verùm quas hæc negat, usu & labore quis potest sibi comparare: hinc alium natura, alium doctrina gignit. Immo & homines simplices nati, quos ingenij penna non adjuvat, assiduo studio ingeniosos post se aliquando relinquunt. Ni enim colatur, torpet ingenium. Si recta quoque adhibeatur victus ratio, prudentiores & acutiores præter naturam evadent: quin etiam ingenio stimulos subdere fama solet: miserisque venit soletia rebus. Ut tamen alter alteri laudaris virtutibus à naturâ præstat, sic alter altero eas faciliùs assequitur: pro sensuum præstantiâ, qui sani & acuti quam promptissimè ab objectis propriis afficiantur, ut veri sint rerum interpretes, ne in errorem mentem inducant: pro laudabiliore capitis structurâ, quod hinc inde paulisper de-

3
pressum, occipite amplum, fronte & syncipite promineat: pro cerebri temperie & conformatione, quod sit copiosum, nonnihil calidum siccum, suis sinibus distinctum, omnis generis ductibus, neque angustioribus, neque laxioribus pervium, peridoneum emittendis halitibus humorumque reliquiis, tersa ac meabili texturâ donatum, & spirituum limpidissimorum copiâ collustratum: in quo toto mens præcipuam suam sedem habet, non in conario: denique pro vario in toto corpore exuperante humore, undè alios videas pingues, alios graciles, subflavos, rubicundos, albos, nigros, duos, molles, glabros, hirsutos: qui fuerint carnosî, ad omnes ingenij virtutes minus habiles redduntur.

IV.

DOCILITAS quædam est mentis aptitudo, ad ea, quæ quis ignorat, ab aliquo ediscenda, quæ etiam idem sollicitè & frequenter applicat animum aliorum documentis, quæ nec negligat, nec contemnat, donec ea percipiat. Quis eam credat in carnosîs totam reperiri, quorum motus omnes se-gnes sunt, lenti, & pigri? acumen promptitudo est, qua quis celeriter quæ animo obversantur apprehendit: vel etiam ad ea quæ proponuntur, quam citissimè & aprissimè reponit, beneficio spirituum, qui sint tenues, subtiles, & ad motum velocissimi. Quales non procreantur in carnosa corporis habitudine, crassioris & tardioris humoris indice. Soletia habilitas est seu potestas ea etiam ex tempore & proprio Marte intelligendi vel investigandi, quæ fieri expedit: citò & faciliè abstrusa quæque cognituque difficilia percipiendi, eaque uberius & ornatiùs explicandi: & quodvis medium inveniendi quo quid ad scopum, eumque laudabilem perducatur. Ubi enim malus est ac turpis scopus, versutia nominanda: de quâ solâ venit intelligendum, fraus ingenij comes. Solertiam augent purgatissimi & plurimi spiritus: quales fieri prohibet in carnosîs impedita transpiratio: immò & in carnis molem plures humores absuntur, undè & pauci supersunt, è quibus cudantur spiritus, qui nec sunt ab omni fece repurgati. Memoria rerum est diuturna conservatio, quas quis mente perceper, eodemque ordine, quo eas edidicit, pro tempore factâ explanatio. Qui ocylus multa ediscit, quæ citò obliviscitur, memor non dicendus: sed qui longo post tempore, eadem reponit: in quo sanè nitor, splendorque cerebri cum siccitate conjunctus commendatur. Utroque destituuntur carnosî, in quibus & mollius est cerebrum, & sanguine fuliginoso circumfusum. Prudentia non in sola voluntate posita est, sed etiam suapte naturâ ingeneratur: nec enim solus est amor boni & fuga mali: sed & cotum, quæ bona sunt vel mala dignotio ac prævisio: ut quod bonum est discernatur ac eligatur. Quod potissimum pendet ab acri & stabili iudicio: quale vix reperias in carnosîs: quorum etiam sensus molles sunt & obtusi, ut propterea mentem non satis collustrent, sed potiùs quâdam veluti caligine obruant: unde & hæc non accuratè rerum discrimina distinguunt.

V.

INGENIOSUM vix aliquem reperias in quo unus tantum exuperet humor: sed in quo propè æqualis est omnium mixtio, in eo omnes etiam ingenij virtutes connectuntur, licet is à cæteris aliquâ superetur. Jure ergo optatè temperatis ingenij palma defertur. Biliosi acie & celeritate ingenij cæteros vincunt: sed obliuio, imprudentes, leves, temerarij, superbi, impotentes, & insanæ proximi. Melancholici (quales etiam reddit singularis viræ infirmitas) pro caloris aut frigoris excessu, ut varios animi motus edunt, sic va-

4

rias obtinent ingenij virtutes. Acri quidem iudicio, & fœlici memoriâ cæteris
 aliquandò præpollent, propositi sunt tenaces, ubique firmi & constantes: sed
 dum pertinacius sua sensa æqua vel iniqua propugnant, vel aliquid abstrusum
 & difficile scrutantur accuratius, fiunt subfuriosi, vel melancholiæ morbis ob-
 noxi: vanis inanibusque phantasîæ ludibriis delectantur tantùm, vel mœrore
 conficiuntur: plorant cum à nemine vexantur aut verberantur: minimè metuenda
 metuunt: molestiâ afficiuntur ubi minimè convenit: & sentiunt quæ pru-
 dentes non deceant. Pituitosi, qui carnosi fiunt, sed molles & albi, ad quod-
 libet animi minus inepti redduntur: nec nisi alinino more corporis munia
 obeunt: ut revera mente & corpore fiant inertes. Sanguinei, quos maximè car-
 nosos esse contingit, animi quadam docilitate sæpissimè aliorum documenta nec
 contemnunt nec negligunt, quæ tamen vix mente pauld obtusiori percipiunt.
 Quorum caro est sicca, dura, adstricta, densa aut compacta, ij quidem nervo-
 si, robusti, & hirsuti existunt, ad corporis exercitia vehementiora fiunt aptio-
 res, improbi laboris sunt patientes, ut etiam ferendis, vel boum instar trahen-
 dis gravioribus oneribus pares reddantur: quod crassiores spiritus non ita facili-
 tenues evanescent in auras. Ad artes quoque quæ lacertorum robore conqui-
 runtur, forsan magis industrij evadunt: sed in iis à sanguinis fervore frequen-
 tes fiunt mentis emotiones, & morum ferocia inducitur: non nisi duro & per-
 tinaci labore, quas iis denegavit natura, acquirunt ingenij virtutes; nec inge-
 niosos dixeris, qui crassipelles magis feritatis quam lenitatis sunt participes: qui-
 que solùm longiori morâ & diuturniori meditatione, quæ animo observantur ap-
 prehendant: quasi supra humanam sortem sit, ut quis simul valeat & sapiat.
 Quorum verò caro mollis est & humida, laxa, rara, aut spongiosa, vel etiam
 multo adipe circumfusa, ij labores non ferunt; quæ non ante sciunt, ut pluri-
 mum percipere nequeunt: segnes sunt, curis, vacui, & somnolenti, venusti,
 sed ignavi & imbelles: synceri & minimè mali, sed creduli: ingenui & simpli-
 ces, sed arcanorum nequaquam tenaces, quæ enuntiando, diras strages edunt in-
 cauti: hilates, sed stolidi, vel etiâ dementes: & ad omnes artes crassi, neque
 subtiles, neque acuti, nec nisi pingui & tardo ingenio donati.

Sunt ergo carnosæ minus ingeniosæ.

DOMINI DOCTORES DISPUTATURI.

M. Paulus Mattot.

M. Petrus Lombard.

M. Franciscus Blondel.

M. Carolus le Long.

M. Philippus Mathon.

M. Iacobus Renaud.

M. Ludovicus Morin.

M. Raymundus Finot.

M. Claudius Quiquebeuf.

Proponebat Parisiis MICHAEL DE HODENCQ, Poxianus Ambianensis
 Baccalaureus Medicus. A. R. S. H. 1681.

P A R I S I I S.